



TAFLEN CRYNHOI PENDERFYNIAD

Diben: Penderfyniad y Comisiynydd – Cyf. DLI 144

Amseru: Brys

Teitl: Gwobrwyo'r tendr ar gyfer y cynllun Dargyfeirio Troseddwy'r

Categori Penderfyniad / Effaith Maes Busnes: Comisiynu

Crynodeb Gweithredol: Mae Cofnod Penderfyniad DLI129 yn amlinellu'r penderfyniad i ymgymryd â phroses dendro lawn ar gyfer Cynllun Dargyfeirio Troseddwy'r er mwyn caniatáu gwobrwyo cytundeb Heddlu cyfan i'r darparwr llwyddiannus o 1 Tachwedd 2019.

Cychwynnodd y broses dendro ym mis Gorffennaf 2019 ac eisteddodd panel gwerthuso ar 9 Medi, lle y cyrhaeddwyd sgorau consensws. Roedd y panel gwerthuso'n cynnwys Cyfarwyddwr Cynorthwyol yr Adran Cyfiawnder Troseddol a'r Uwch-awlygydd sy'n gomander sir URS dros Bowys ar ran yr Heddlu, a'r Cyfarwyddwr Comisiynu ar gyfer y CHTH. Cefnogwyd y panel drwy gydol y broses gan y Rheolwr Caffael a Chytundebau.

Cynhaliwyd cyfweiliadau gyda'r darparwyr ar 11 Medi a daeth hoff ddarparwr i'r amlwg, gan arwain ar sgorau masnachol a thechnegol (mae'r adroddiad sydd ynghlwm yn rhoi manylion pellach am sgorau a chyllidebau). Gan hynny, mae'r panel yn argymhell rhoi'r cytundeb i Gwalia.

O ystyried yr amserlen fer ar gyfer gweithredu, gofynnir i'r CHTH ymgymryd â'r penderfyniad hwn, mewn trafodaethau gyda'r PSA a'r Prif Gwnstabl, cyn cyfarfod y Bwrdd Plismona ar 24 Medi 2019. Golyga hyn y gellir cyfathrebu'n gynt â'r darparwr llwyddiannus fel bod cynlluniau gweithredu'n medru cychwyn yn dilyn y cyfnod dim symud.

Argymhelliad: Comisiynydd yr Heddlu a Throseddau i gymeradwyo gwobrwyo cytundeb i sefydliad Gwalia ar gyfer darpariaeth cynllun dargyfeirio troseddwy'r ar draws ardal Dyfed-Powys, gan gychwyn ar 1 Tachwedd 2019 am uchafswm cost o £250,000 y flwyddyn. Bydd y cytundeb yn rhedeg am gyfnod o 2 flynedd, gyda dewis o hyd at 3 cyfnod estyniad blynyddol.

Comisiynydd Heddlu a Throseddau Dyfed-Powys


Cadarnhaf fy mod wedi ystyried a oes gennyf unrhyw ddiddordeb personol neu sy'n rhagfarnu yn y mater hwn a fy mod wedi gwneud y penderfyniad arfaethedig yn unol ag Eglyddorion Nolan ar gyfer Ymddygiad mewn Bywyd Cyhoeddus.

Rwy'n cymeradwyo'r cais uchod.

Llofnod:

Dyddiad:

18/9/2019



1. Cefndir

Mae'r adroddiad hwn yn cynnig trosolwg o'r broses dendro ar gyfer darpariaeth cynllun dargyfeirio troseddwr. Cynllun amlasiantaeth ydyw sy'n ceisio mynd i'r afael ag ymddygiad troseddol yn gynt o lawer yn ystod taith troseddu unigolyn. Hefyd, mae'n gwella ymwybyddiaeth o wasanaethau sy'n seiliedig ar iechyd, a mynediad atynt, ar gyfer pawb sy'n cyflawni troseddau lefel is. Cynhaliwyd cystadleuaeth agored Cyfnodolyn Swyddogol yr Undeb Ewropeaidd er mwyn rhoi cyfle i gyflenwyr lleol a BBaCh gynnig am y cyfle.

Gwobrwyir y cyfle am gyfnod o 2 flynedd, gyda'r dewis i estyn am 3 blynedd arall yn cael ei wobrwyo ar sail flynyddol.

2. Y Cwmpas

Nodau ac amcanion y cynllun

Cyflenwi gwasanaethau cymorth sy'n gwella gallu'r troseddwr i fyw bywyd cynhyrchiol yn rhydd rhag troseddu yn y gymuned.

Bydd y troseddwr sy'n rhan o'r cynllun a gyflwynir gan y Darparwr yn cyflawni un neu fwy o'r amcanion canlynol:

- Gwell mynediad at wasanaethau ar gyfer mynd i'r afael ag achosion sylfaenol troseddu
- Llai o aildroseddu
- Y gallu i wneud newidiadau cadarnhaol
- Gwell diogelwch

Darpariaeth gwasanaeth

Bydd y gwasanaeth a ddarperir yn:

- Dargyfeirio troseddwr rhag y system cyfiawnder troseddol;
- Cynnwys yr heddlu er mwyn cyfeirio troseddwr cymwys i'r gwasanaeth;
- Cwblhau asesiadau anghenion, gan gynnwys arfau mesur canlyniadau a sgrinio risg, gyda'r troseddwr cymwys sy'n cael eu cyfeirio;
- Derbyn troseddwr addas a chymwys i'r cynllun;
- Darparu cefnogaeth ac ymyrraeth a addaswyd ar gyfer anghenion i'r rhai sy'n cael eu derbyn i'r cynllun cyn gynted â phosibl;
- Gwneud cyfeiriadau ymlaen i wasanaethau prif ffrwd a gwasanaethau trydydd sector eraill (darparwr arall neu ddarparwr eraill)

3. Cyllideb



Y gyllideb amcangyfrifol ar gyfer y prosiect hwn yw £250,000 y flwyddyn. Bydd y cytundeb mewn grym ar gyfer 1 Tachwedd. Dangosir y costau ar gyfer cyfnod gwreiddiol y cytundeb isod:

Proffil cost	01/11/2019 tan 31/03/2020	01/04/2020 tan 31/03/2021	01/04/2021 tan 30/10/2021
Cyfanswm costau	£96,013	£253,210	£150,346

Os yw cyfnodau estyniad y cytundeb yn cael eu harfer, cyfanswm gwerth y cytundeb fydd £1,250,000.

Bydd y gyllideb yn cael ei rheoli gan Swyddfa Comisiynydd yr Heddlu a Throseddau. Y cod cyllideb perthnasol yw 720 PZPB PM030. Y gyllideb sydd ar gael yw £250,000 y flwyddyn.

4. Y Broses Dendro

Cyhoeddwyd y cyfle caffael fel tendr agored Cyfnodolyn Swyddogol yr Undeb Ewropeaidd drwy gwerthwchigymru ar 3 Gorffennaf 2019, i'w gwblhau'n electronig gan ddefnyddio eDendroCymru. Y dyddiad cau ar gyfer y prosiect hwn oedd 12 Awst 2019. Cofrestrodd 22 cyflenwr ddiddordeb yn yr ymarfer tendro hwn.

Y cyflenwyr a gyflwynodd ymateb oedd:

- 3SC
- Kaldeiscope
- Gwalia/Pobl

Roedd y tendr yn seiliedig ar feini prawf o 40% Cost (100 pwynt) a 60% Ansawdd (150 pwynt).

Roedd aelodau'r panel gwerthuso tendr yn cynnwys:-

- Yr Uwch-arolygydd Ifan Charles
- Alison Perry – Cyfarwyddwr Comisiynu SCHTh
- Irene Davies Jones – Cyfarwyddwr Cynorthwyol yr Adran Cyfiawnder Troseddol



Cadarnhaodd pob aelod o'r panel nad oedd ganddynt unrhyw fuddiannau a oedd yn gwrthdaro o ran y tendrwy.

5. Crynodeb o'r Cynigion

Roedd cynigion masnachol cychwynol a dderbyniwyd yn fwy na'r gyllideb sydd ar gael fel a ganlyn:

Er mwyn ymdrin â llwyth achos o 10 cyfeiriad y dydd, cytundeb blyneddol:

3SC £994,952.00

Gwalia £494,906.00

Kaleidoscope £346,151.23

Gofynnwyd i bob darparwr a gyflwynodd cynnig gyflwyno cynnig gorau a therfynol yn seiliedig ar gyllid o £250,000 y flwyddyn am gyfnod cychwynol o 2 flynedd.

Gwrthododd 3SC gyflwyno cynnig yn seiliedig ar y gofyniad hwn. Cyflwynodd Gwalia a Kaleidoscope eu cynigion arfaethedig i'r panel gwerthuso yn ystod y cam cyfweid.

Roedd cynigion diwygiedig a gyflwynwyd ar gyfer cytundeb dwy flynedd fel a ganlyn:

Gwalia £499,569

Kaleidoscope £524,790

Mae'r darparwyr wedi cadarnhau na fydd y gostyngiad o ran cost yn effeithio ar gyflenwi gwasanaeth.

Yn dilyn gwerthusiad technegol a masnachol, arddangosir y sgorau terfynol yn y tabl isod.

Cyflenwr	Sgôr Technegol - Uchafswm o 150	Sgôr Masnachol - Uchafswm o 100	Sgôr Cyffredinol
Gwalia	106.00	100.00	206.00
Kaleidoscope	90.00	95.91	185.91

6. Rheoliadau Trosglwyddo Ymgymeriadau (Diogelu Cyflogaeth) 1981

Mae Gwalia wedi rhedeg y prosiect peilot o'r blaen yn Sir Benfro, felly bydd y staff sy'n gysylltiedig â chyflwyno'r gwasanaeth hwn ar hyn o bryd yn parhau i weithio

ar y cynllun newydd, gan ddileu'r angen ar gyfer Rheoliadau Trosglwyddo Ymgymeriadau (Diogelu Cyflogaeth) 1981 rhwng darparwyr.

7. Cynaliadwyedd

Gwerthusir cynaliadwyedd yn ystod agwedd Cymhwysedd y tendr.

8. Amrywiaeth

Gwerthusir amrywiaeth yn ystod agwedd Cymhwysedd y tendr.

9. Argymhellion

Yn dilyn gwerthusiad o bob ymateb tendr a gyflwynwyd a bodloni gofynion HDP a SCHTh, argymhellir gwobrwo'r cytundeb ar gyfer darpariaeth cynlluniau dargyfeirio troseddwr i Gwalia am gyfnod o 2 flynedd, gyda dewis o hyd at 3 cyfnod estyniad blynyddol.